



PARLAMENTO
NACIONAL
República Democrática de Timor-Leste

BANCADA PARLAMENTAR DO CNRT

Edifísiu Sentral Parlamento Nacional, Rua Bispo de Madeiros, Díli, Timor-Leste

Senhor Presidente, Senhoras e Senhores Deputados sira-hotu no Povo Timor-Leste laran tomak mak hau respeito!

Núdar Proponentes ba Projeto de Lei da Primeira Alteração ba Lei No. 13/2015 de 2 de Setembro, Lei das Atividades Petrolíferas, ami hakarak hato'o katak:

1. Ita prezisa duni halo alterasaun ba lei ida ne'e tanba Timor-Leste depois de mánan hikas tiha ita-nia Fronteira Marítima, ita tenki desenvolve ita-nia Campo Greater Sunrise, núdar ita-nia rikusoin rai laran. Tanba-ne'e mak, ita bua dalan atu investe iha área ida ne'e núdar partisipasaun estadu Timor-Leste nian hodi hetan rendimento sustentável ba Conta Fundo Petrolífero nian, hanesan mos uluk iha 2011 ita halo revizaun ba Lei Fundo Petrolífero hodi investe 40% ba asoens ne'ebé mak nia resultadu; iha fulan-setembro 2018, ita hetan lukro hamutuk \$5,1 bilhões de dolares americanos. Resultadu diak ida ne'e loke dalan mai ita hodi kontinua halo inovasaun ba investimentu ba fundo petrolífero tuir prinsípiu lei ne'e rasik hodi fó benefísiu ba futuro, ba jersaun oin mai.

Ho razaun hirak ne'e mak núdar proponentes submete alterasaun ba lei ida ne'e, hodi fó biban ba Estado liuhosi Governo hodi bele

partisipa iha asoens liuhosi 20 % tuir alterasaun lei ne'e tanba agora dadauk ita hetan oportunidade atu sai nain loloos ba ita nia riku soi hodi iha maioria ba asoens ne'ebé ho nia total 56.56% ba desenvolvimento Campo Greater Sunrise.

2. Intensaun hosi alterasaun lei ida ne'e mós tanba valor de asoens ne'ebé mak ita sosa, transfere diretamente hosi fundo petrolífero tanba nia karáter núdar investimentu, katak osan \$650 milhões de dolares ne'ebé mak ita investe, sei fila hikas ba Conta Fundo Petrolífero nian, hamutuk ho nia funan 127 %, ka ho liafuan seluk, ita sei hatama hikas osan ba Fundo Petrolífero ho total \$1.475 bilhões de dolares americanos.
3. Alterasaun ba lei ida ne'e mós ho karakter retroativo tanba atu hodi garante siguranca jurídica ba selebrasaun de contrato ne'ebé mak Representante Especial Governo Timor-Leste nian, Maun Bót Kay Rala Xanana Gusmão asina iha dia 28 de Setembro 2018 ho companhia petrólio ConocoPhillips. Prátika hosi implementasaun retroativo ba lei, laós buat foun ida, maibé aplika universamente iha mundu desde que lei nia aplikasaun retroativu ne'e la prezudika direitu ou relasaun jurídica ne'ebé mak konsumida tiha ona antes lei ne'e entrada em vigor.
4. Investimentu ba Fundu Petrolífero nian, sei la sujeita ba fiskalizacao previa hosi Tribunal das Kontas la significa katak, ita hakarak desvia hosi controlo Camara de Contas nian, tanba Camara de Contas sei iha nafatin kompeténsia-rua seluk hanesan: fiscalizacao concomitante e successiva tuir art. 35 e 36 lei numero: 9/2011 de 17 de Agosto, Orgânica da Camara de Contas

do Tribunal Superior Administrativo, Fiscal e de Contas nian. Iha parte de fiscalizasaun ida ne'e mós Camara de Contas hare'e kedas hosi selebrasaun de contrato, tuir lei ka la tuir lei. Exemplo mak hanesan aplika dadauk iha ita-nia rai desde 2015 áte agora ba implementasaun projetos estratéjiku sira iha RAEOA e ZEESM ne'ebé mak ita-hotu hatene momoos katak Camara de Contas halo auditoria ba RAEOA e ZEESM ba implementasaun projetos hirak ne'e, hahú kedas hosi selebrasaun kontratu mesmo que la submete ba fiskalizasaun prévia.

5. Ikus liu, ho razaun hirak ne'e, ami núdar Bancadas requerentes, hakarak hato'o katak ami konfirma hikas ami nia votos favorável ba alterasaun Lei Aktividade Petrolíferos tuir art. 88, número 2 Konstituisaun RDTL nian.

Mak ne'e deit, obrigado wain!

Dili: 10 Janeiro 2019

Presidente do Bancada CNRT,

Duarte Nunes